

Pekinška deklaracija

- 1. Mi, Vlade učesnice Četvrte svjetske konferencije o ženama,*
- 2. Okupljene ovdje u Pekingu u septembru 1995. g., u godini pedesete godišnjice osnivanja Ujedinjenih nacija,*
- 3. Odlučne da unaprijedimo ciljeve jednakosti, razvoja i mira u korist svih žena u svijetu i u interesu cijelog čovječanstva,*
- 4. Poštujući glasove svih žena u svijetu i uzimajući u obzir različitost žena i njihovih uloga i prilika u kojima se nalaze, iskazujući počast ženama koje su popločale put i inspirisane nadom koju sobom nosi omladina svijeta,*
- 5. Svijesne da je status žena bio poboljšan u nekim važnim aspektimatokom prethodne decenije, ali da je taj napredak bio neravnomjeran, da još postoje nejednakosti između muškaraca i žena, kao i velike prepreke, što sve ima ozbiljne posljedice po dobrobit svih ljudi,*
- 6. Svjesne takodje da ovu situaciju dalje pogoršava rastuće siromaštvo koje ima negativan utjecaj na život većine svjetskog stanovništva, a posebno žena i djece, a koje nastaje kako iz pojedinačnih državnih tako i međunarodnih uzroka,*
- 7. Bezrezervno se posvećujemo radu na rješavanju ovihograničenja i prepreka, timeubrzavajući i poboljšavajući napredak i jačanje položaja žena širom svijeta, saglasne u tome da ovo zahtijeva hitnu akciju u duhu odlučnosti, nade, saradnje i solidarnosti, kako sada tako i one koje će nas voditi u naredno stoljeće.*

Ponovo potvrđujemo naše zalaganje za:

- 8. Jednakost prava i urođenog ljudskog dostojanstva žena i muškaraca, kao i druge ciljeve i principe date u Povelji Ujedinjenih nacija, Opštoj deklaraciji o ljudskim pravima i drugim međunarodnim instrumentima u vezi ljudskih prava, posebno Konvenciji o eliminaciji svih oblika diskriminacije žena i Konvenciji o pravima djeteta, kao i Deklaraciji o eliminaciji nasilja nad ženama i Deklaraciji o pravu na razvoj;*

9. *Osiguranje pune implementacij ljudskih prava žena i ženske djece kao neotudjivog, nedjeljivog i sastavnog dijela svih ljudskih prava i osnovnih sloboda;*

10. *Dalje nadogradjivanje na osnovu konsenzusa i napredka postignutog u predhodnim konferencijama i samitima Ujedinjenih nacija o ženama u Najrobiju 1985.g., o djeci u Njujorku 1990.g., o zaštiti okoliša i razvoju u Rio de Ženeiru 1992.g., o ljudskim pravima i Beču 1993. g., o stanovništvu i razvoju u Kairu 1994. g., te o društvenom razvoju u Kopenhagenu 1995. g., sa ciljem postizanja jednakosti, razvoja i mira;*

11. *Postizanje potpune i efikasne implementacije budućih Strategija u vezi unapredjenja žena, iz Najrobija;*

12. *Davanje većih ovlasti i napredovanje žena, uključujući i pravo na slobodu misli, savjesti, vjeroispovijesti i uvjerenja, što doprinosi moralnim, etičkim, duhovnim i intelektualnim potrebama žena i muškaraca, pojedinačno ili u zajednici s a drugima, time im garantujući mogućnost ostvarenja njihovih punih potencijala u društvu i oblikovanja njihovih života u skladu sa njihovim vlastitim aspiracijama.*

- Uvjerene smo da:*

13. *je davanje većih ovlasti ženama u njihovo puno učešće na osnovi jednakosti u svim sferama društva, uključujući i učešće u procesu donošenja odluka i strukturama vlasti, od osnovne važnosti za postizanje jednakosti, razvoja i mira;*

14. *su ženska prava ljudska prava;*

15. *su jednaka prava, mogućnosti i pristup sredstvima, ravnopravna podjela odgovornosti za porodicu na muškarce i žene, kao i skladno partnerstvo između njih, od presudne važnosti za njihovu dobrobit i dobrobit njihovih porodica kao i učvršćivanje demokratije;*

16. *iskorjenjivanje siromaštva putem održivog ekonomskog razvoja, društvenog razvoja, zaštite okoliša i društvene pravde zahtjeva učešće ženau ekonomskom i društvenom razvoju, jednakost mogućnosti i potpuno i ravnopravno učešće žena i muškaraca kao nosilaca i korisnika održivog razvoja okrenutog čovjeku*

17. *su izričito priznanje i potvrda prava svih žena da vladaju svim aspektima svoga zdravlja, posebno svojom vjastitom plodnošću, od osnovne važnosti za jačanje njihove uloge u društvu;*
18. *je mir na lokalnom, državnom, regionalnom i globalnom nivou moguće postići i da je on neodoljivo povezan sa napretkom žena, koje su osnovna snaga u preuzimanju vodeće uloge u rješavanju konflikata i unapređenju trajnog mira na svim nivoima;*
19. *je od bitne važnosti sačiniti implementirati i pratiti, uz puno učešće žena, efikasne, efektivne i međusobno potkrepljujuće politike i programe koji vode računa o pitanju spola, uključujući i razvojne politike i programe, na svim nivoima, kojima će se podupirati veća kvalifikovanost i napredak žena;*
20. *je učešće i doprinos svih faktora građanskog društva, posebno ženskih grupa i mreža te drugih nevladinih organizacija i organizacija u okviru lokalne zajednice, uz puno poštovanje njihove autonomije, u saradnji sa vladama, važno za efikasnu implementaciju i dalju primjenu Platforme za akciju.*